



partii naleraq

Nuuk 23. oktober 2018  
UKA2018/114  
Hans Enoksen Partii Naleraq

**Ilinniarnertuunngorniarfinni ilinniutit, ilinniarnerep ingerlanera, atortussallu allat Namminersorlutik Oqartussanik tapiiffiqineqarluni pineqartartut ilinniarnertuunngorniarfinni siunertanut tapersersuisuunersut Naalakkersuisunit misissuiffiqineqarnissaannik nalunaarusiorneqarnissaannillu inatsisartunut aalajangiiffiqisassatut siunnersuut Nalunaarusiaq kingusinnerpaamik UKA2019-mi saqqummiunneqassaaq siunissamut isigisumik pitsaassutsimik qulakkeerinninnissamut innersuussinernik imaqassalluni.**

(Siumip inatsisartunut ilaasortaaitai)

Ilinniarnertuunngorfinni ilinniutit pillugit Siumup inatsisartunut ilaasortaaitai aalajangiiffiqisassamik siunnersuuteqarput tassalu Ilinniutit ilinniarnerep ingerlanera atortussallu allat pillugit nalunaarusiamik saqqummiusseqqullugit tamannalu oqaaseqarfigissavarput.

Nunatsinni ilinniartitaanikkut ukiuni makkunani annertusaanerit malunnaarluartumik ilinniartitaanerup pingaartinneqarneranik ersiuteqartut assut iluarisimaarnartumik annertusiartuinnartut ilinniagartuullu amerliartuinnartut nuannaarutigigatsigit oqaatigissavarput.

Nunatsinni ilinniarniarlutik periarfissamik atuerusuttut tamatigoruinnaq periarfissarsiuttuarnissaat qulakkeertariaqarparput. Pisinnaasagummi assigiinngillat, ilaat piumasaqatitigut anngutinngitsoortarput, tamassumalu uniffiunnginissaa pimoorunnerullugu suliarisariaqalerparput.

Kinami oqarpa kisitsinermi ilisimasat amigarpaata ilinniartinneqartariaqanngitsut, kinami oqarpa oqaatitsigut pisinnaasatik amigarmata ilinniartinneqassanngitsut. Tamaattumik pikkorissaanerit aftenskolit højskolit, allallu ilinniartitaanermi qaammarsaataasinnaasut tamaasa atorluartariaqalerpagut, ilinniartitaaneq aporfissaqarpat aporfiit piarlugit uniffiginagit aallartilluartariaqalerpat.

Soorunami aamma ilinniarnikkut ingerlalluortorpassuaqarpoq taakkualu angusaqartarnerat tullusimaarnartaqaat ilinniagartuullu amerliartuinnarnerat isigissagaanni ilinniartitsinermik suliallit tamaasa tuisigut pattalaartariaqarput.

Nunatsinni sutigut tamatigut ilinniartitaanerup pitsanngorsartuarnissaa nunap inuut nunamullu tamatta ilisimavarput pingaaruteqarlunartuuusoq tapersersugassaralugulu, Meeqqat atuarfiat sutigut tamatigut pitsaanerusunngortinniartariaqarpoq, tassami taamaaliornikkut aatsaat siunissami inuusuttunngorlutik ilinniarnernissanut pitsaasumik meeqqat atuarfianni ingerlalluarpata pitsaasumik

sunniuteqartussaammat, taamaattumik meeqqat atuarfiat sutigut tamatigut pitsaasumik sinaakkutaqarnissaa qularnaartuartariaqarpoq.

Ilinniarnertuunngorniarfimni ilinniutit pitsanngorsartuarnissaat tamatta soqutigisarivarput, uanilu siunnersuut saqqummiunneqartoq Tamakkiisumik isumaqatigigipput Partii Naleqqamiit oqaatigissavarput.

Ilinniartitaanermi siuarsaanerit aamma nunatta avataani ingerlanneqartartut isumassarsiorfigalugit qissimigaartaarnissaat aamma isiginiarluarlugu ingerlatsisarnissaat pinngitsoorsinnaanngikkigut oqaatigerusupparput.

Atuakkanik ilinniusiornerit ilinniartuunngorniarfiit allallut ilinniartitsiviit eqqarsaatigalugit pitsanngorsaasoqartuarnissaa pillugu misissuiffiqineqarnissaat nalunaarusiortoqarnissaanillu siunnerfilimmik Naalakkersuisut allannguutissamik siunnersuuteqarnerat taperseripput oqaatigissavarput.

Taamatut oqaaseqarluta siunnersuut ataatsimititaliami suliarineqassappat aamma tapersersoripput oqaatigissavarput.